

2 TESALONICA

UMÉBEMA CARTA PAULOBA BΛΔA DJABARĀ TESALONICA PURUÐEBEMA ITEA

Nabema carta bΛdacarea Pauloba ūrīsica bΛa djabarāra bia mīga panΛda, sewa jaradiabadarāda ādji tāēna zesidada, idjaba ācΛrΛ djabarāra coaida bēada. Mañ carea umébema cartara bΛsia. Djabarā carea Ācōrēa bia bΛada apeda iwidisia ādjia biara ijānamārēā (1:1-12; 2:13-17). Mañ awara Ācōrēba cawa oi ewaridebemada ebudaara bΛsia ācΛrΛba sewadeba jaradia pananada ijārānamārēā (2:1-12). Mañare bΛsia ādjirāba Ācōrēa iwidī pananida panΛda idjaba dji coaida bēara trajadida panΛda (3:1-15). Idjia djabarā itea jirūare bΛdada 3:16-18de bΛa.

Pauloba nañ cartade naārā bΛda

1 ¹Māra Pauloa. Nañ cartara bΛbΛrΛa djabarā Tesalonica puruðebema itea. Bārāra dadjirā Zeza Ācōrēnea, dadjirā Boro Jesucritodea. Djaba Silvanoda, Timoteo sida mñ ume panΛa. ²Daiba quīrīā panΛa dadjirā Zeza Ācōrēba, dadjirā Boro Jesucrito biða ādji biadeba bārāra careba pananida, necai bai sida bārāa dia pananida.

Ācōrēba idji beða ijānaca cawa oidebema

³Djabarā, daiba ewariza bārā carea Ācōrēa bia bΛada abadaa. Daiba māwā obadara bia bΛa. Bārāba ewariza Critora biara ijā panΛa idjaba biara dji quīrīā panΛa. ⁴Mañ carea daiba Ācōrē ēberārā duanΛza bārānebemada bΛsrida nēbΛrΛbadaa. Jarabadaa ēberārāba bié oði carea ēpē panΛmīna bārāba Critora waði ijā panΛda idjaba bia mīga panΛmīna jūma droa panΛda. ⁵Mañba cawabi bΛa Ācōrēba jipa cawa obarida. Idjia bārāra bia unu bΛa pe eroðai carea. Mañ carea ara nawena bia mīga panΛa.

⁶Ācōrēba jipa cawa obaria. Bārā bia mīgabi panlra idjia bia mīgabiya. ⁷⁻⁸Baribarl bārā, dji bia mīga beara ānāūbiya dai ānāūbi quīrāca. Maāgara māwāya dadjirā Boro Jesura idji nezocarā mēsrā bea ume urua eradra nūmlne bajāneba zebarlade. Maāne jūma Ācōrē ijāē beada, bedea bia dadjirā Boro Jesudebema ijānacada cawa oya. ⁹Ādjirāra tabl uruade ewariza bia mīgabiya. Dadjirā Boro quīrāpitabemada, idji lāla dromanebema sida tml beadia. ¹⁰Maā ewaride idjiderāba idjia bia bedeadia. Ādjirā ume bia oda carea jūma idji ijā beaba idjira bio bia ununia. Daiba idjidebema jaradiapedadara bārāba ijāpedada bēra bārā sida maā ēberārānebema.

¹¹Maā carea daiba ewariza dadjirā Ācōrēa iwidi badaa bārāda bia unumārēā. Idjia bārāra maā carea trāsia. Daiba iwidi panla Ācōrēba idji lāladeba bārāra ne jūmane carebamārēā. Māwā idji ijā panlneba bia o quīrā panlra bārāba jūma odia. ¹²Māwāra bārāneba jūmarāba dadjirā Boro Jesucritora bia jaradia idjaba idjideba bārāda bia jaradia. Dadjirā Ācōrēba, dadjirā Boro Jesucrito bida ādji biadeba careba panl bēra māwā bia jaradia.

Cadjiruadebema ēberā zeida lā

2 ¹⁻²Maā awara djabarā, daiba bārāa bedea djuburiadia dadjirā Boro Jesucrito zeidebemada idjaba dadjirā idji ume ābaa dji jaradiidebemada āi crīcharānamārēā. Abalaba dadjirā Boroba cawa oi ewarira jūēsiada aibarl, dauperarānada. Bariduaba Ācōrēneba bedea lā quīrāca māwā jaraibarl, wa māwā jaradiaibarl, wa daiba cartade māwā lāsidaada aibarl, ijārānada. ³Ni maārī bida abala idu cūrūgabirānada. Dadjirā Boroba cawa oi ewari zei naēna zocārā ēberārāba Ācōrēa igaradia. Maāne cadjiruadebema ēberāda odjaya. Maā ēberāra Ācōrēba tabl uruade batabueya. ⁴Idjia Ācōrēa idjaba ne jūma ēberārāba ācōrē abada sida quīrāca baya. Idjida jūma maāga cāyābara dji dromaara lada aya. Maā bēra Ācōrē de dromane chūmepeđa jaraya idjidra Ācōrēda.

⁵Bārāma baside māa ¿maāgara jaraē basica? ¿Quīrānebaēca? ⁶Maā bēra cawa panla cārēba maā ēberāra idu odjabiē lada. Baribarl idji ewari jūēbārāde odjaya. ⁷Nawena cadjiruara mērā o nīnaa, baribarl dji iduaribiē lāba maā cadjiruadebema ēberāra idu odjabiē lā. Māwā baya aba Ācōrēba dji iduaribiē lāra āyā edebārāda. ⁸Maābebarl cadjiruadebema ēberāra odjaya. Baribarl dadjirā Boro Jesu quīrāwārēā dorrodorroa zebārāde ara bedebārāba maā ēberāra beaya.

⁹Cadjiruadebema ēberāra diauruba zebiya. Diauru lābaba ne ununacada quīrātanoa ocuaya ēberārāba Ācōrēba māwā o lada crīchadamārēā. ¹⁰Ne quīrātanoa cadjiru o ladeba ēberārā tabl uruade bia mīgaēdida panlra cūrūgaya. Ādjirāba wārā bedeadia quīrānaca bēra Ācōrēba ēdra edaēā. ¹¹Ātebarl idu sewada ijābiya. Māwā ara ādjiduba bio cūrūga beadia. ¹²Maā ēberārā wārā bedea ijāē beaba cadjiruada lāsridaa obada bēra Ācōrēba biē lāya.

Ācōrēba idji ījā bea ēdrā edada

¹³Djabarā, daiba ewariza bārā carea Ācōrēa bia bāda abadaa. Dadjirā Boroba bārāra quīrīā bā. Idjia bārāra ēdrā edai carea naēnaeda edasia. Bārāba idji wārā bedea ījā panā bēra idjaba idji Jaureba bārāra idji itea bia bāda bēra ēdrā edaya. ¹⁴Daiba bedea bia Critodebema jaradia panāneba Ācōrēba bārāra trāsia dadjirā Boro Jesucrito bia quirudebemada edadamārēā. ¹⁵Mañ bēra djabarā, zarea beadadua. Daiba jaradiapedadara, cartade bāpedada sida quīrādoarānadua.

¹⁶⁻¹⁷Ācōrēba dadjirāra quīrīasia. Idji biadeba sobiabicuasias ewariza māwā beadamārēā. Idjaba cawabisia wārāda idjideba nebiada edadida. Daiba quīrīā panā dadjirā Boro Jesucritoba, dadjirā Zeza Ācōrē bida bārāra sobiabiidida idjaba zarea bādida. Māwā bārāba bedea panāra, o panā sida jūma bia baya.

Djabarāba Ācōrēa iwididamārēā Pauloba jarada

3 ¹Mañ awara djabarā, dai carea Ācōrēa iwididadua dadjirā Boro bedeara druaza isabe jūēmārēā idjaba ēberārāba mañnebemada bia jaradamārēā bārā tāēna māwāna quīrāca. ²Ācōrēa iwididadua दौरā ēberā cadjiruarāba biē o quīrīā panānebemada wagamārēā. Ācōrē ījā quīrīāē beada baraa. ³Baribārā dadjirā Borora bedea aba bā. Idjia bārāra careba baya zarea beadamārēā idjaba cadjiruadebemada waga baya. ⁴Dadjirā Borodeba cawa panā daiba jaradiapedadara bārāba wārāda o panāda idjaba o pananida. ⁵Quīrīā panā dadjirā Boro Ācōrēba cawabida bārāra bio quīrīā bāda. Idjaba quīrīā panā idjia carebaida Critoba droada quīrāca droadamārēā.

Coa neē trajadida panā

⁶Djabarā, dadjirā Boro Jesucrito trāneba daiba bārāa jaradia djabarā coaida bea ume ābaa bēarānamārēā. Daiba jaradiapedada quīrāca odacaa. ⁷Bārāba cawa panā dai nībapedada quīrāca bārāra nībadida panāda. Bārā tāēna panasidade दौरā bari pananaca basía. ⁸Daiba bārāneda bari coadē basía, ātebārā āsa, diamasi bida ānāūnaē dewara traju sida o panasidaa bārāba daia ōgo ne diarānamārēā. ⁹Wārāda bārāba carebadamārēā iwididida pananamīna iwididaē basía. Ātebārā दौरā trajasidaa cawabidi carea bārāba abari quīrāca odida panāda. ¹⁰Bārā tāēna panasidade daiba naāda jarasidaa: dji traja quīrīāē bārā ne cobirānadua. ¹¹Daiba ūrī panā ācārā bārānebemada coaida beada. Ādjirāra trajadacaa ātebārā djārā nēbarade panabadaa. ¹²Mañ djabarāa daiba dadjirā Boro Jesucritodeba bedea djuburiadia necai trajadamārēā codira erobeadamārēā.

¹³Baribārā djabarā, bia o panāneba sērānadua. ¹⁴Daiba nañ cartade jaradiapedadada abābā ījāēbārā, jūmarāa cawabidadua biē o bāda. Idji ume ābaa bēarānadua peramārēā. ¹⁵Baribārā idjira bārā ume dji quīrū quīrāca erobēarānadua, ātebārā bārā djaba bēra jaradadua jipa omārēā.

Pauloba jĩrũare ɓaɗa

¹⁶Daiba quĩrĩã panɓa dadjirã Boro necai ɓai diabariba idji necai ɓaira ɓãrãa ewariza ne jũmane dia ɓaɗa. Quĩrĩã panɓa dadjirã Borora ɓãrã ume ɓaɗa. ¹⁷Mãra Paulo. Naãgɓa beɗeada mĩ jɓwaba ɓɓɓɓɓɓa. Jũma mĩ cartade nãwã ɓɓɓɓɓɓa cawabi carea mĩabɓɓɓ ɓɓɓɓɓɓa. Nãwã ɓɓ ɓɓɓɓɓɓa. ¹⁸Mã quĩrĩã ɓa dadjirã Boro Jesucritoba idji biɗeɓa ɓãrãa careba ɓaɗa.